

ԱՐՁԱՆԱԳՐՈՒԹՅՈՒՆ

«ՍԻԼՎԻ ԷՅ ՋԻ» ՍՊԸ-ի կողմից ներկայացված ՀՀ Սյունիքի մարզի Մեղրի համայնքի Տերտերասարի ոսկու հանքավայրում պաշարաների վերագնահատման նպատակով երկրաբանական ուսումնասիրության աշխատանքների շրջակա միջավայրի վրա ազդեցության գնահատման վերաբերյալ առաջին հանրային քննարկում

ՀՀ Սյունիքի մարզ, գ. Լիճք

28.04.2025

2024թվականի ապրիլի 28-ին՝ ժամը 16:00-ին, ՀՀ Սյունիքի մարզի Մեղրի համայնքի Լիճք բնակավայրի վարչական ղեկավարի նստավայրում տեղի ունեցավ «ՍԻԼՎԻ ԷՅ ՋԻ» ՍՊԸ-ի կողմից իրականացվող ՀՀ Սյունիքի մարզի Մեղրի համայնքում՝ ՀՀ Սյունիքի մարզի Տերտերասարի ոսկու հանքավայրում պաշարաների վերագնահատման նպատակով երկրաբանական ուսումնասիրության աշխատանքների շրջակա միջավայրի վրա ազդեցության գնահատման վերաբերյալ առաջին հանրային քննարկումը:

Քննարկումը վարում էր Մեղրի համայնքի ղեկավարի տեղակալ Ա.Անտոնյանը, ներկա էին «ՍԻԼՎԻ ԷՅ ՋԻ» ՍՊԸ-ի սեփականատեր և տնօրեն Ս. Համբարձումյանը, ՇՄԱԳ նախագծող, բնապահպանական խորհրդատու Զ.Զուռնայանը, Լիճք բնակավայրի վարչական ղեկավար Հ.Հովհաննիսյանը և համայնքի բնակիչներ (մասնակիցների ցանկը՝ ստորագրություններով և լուսանկարները կցվում են արձանագրությանը):

Բացման խոսքով հանդես եկավ Մեղրի համայնքի ղեկավարի տեղակալ Ա.Անտոնյանը:

Այնուհետև ներկայացրեց հանրային քննարկումը նախաձեռնող կողմին և խոսքը փոխանցեց Զարուհի Զուռնայանին:

Զ.Զուռնայանը ողջունեց ներկաներին և տեղեկացրեց, որ հանրային քննարկումը կազմակերպվել և իրականացվում է համաձայն ՀՀ Կառավարության՝ 2024թվականի 2343-Ն որոշման դրույթներին համապատասխան, ինչի հիման վրա կատարվել է պատշաճ ծանուցում, հայտարարությունը տպվել է նաև «Առավել» օրաթերթում:

Զ. Զուռնայանը մեջբերեց, որ ընկերությունը նախատեսում է Տերտերասարի ոսկու հանքավայրի պաշարների վերագնահատման նպատակով իրականացնել երկրաբանական ուսումնասիրության աշխատանքներ: Համաձայն Ընդերքի մասին օրենսգրքի՝ մետաղական հանքավայրի պաշարները հաստատված են և շահագործվել են կամ հաստատումը տեղի է ունեցել 10 տարի վաղեմության շրջանակներում, ապա պետք է նոր շահագործման նպատակով իրականացվի

տվյալ հանքավայրի պաշարների վերագնահատում: Այդ նպատակով անհրաժեշտ է իրականացնել Շրջակա միջավայրի վրա ազդեցության գնահատման փորձաքննություն՝ ստանալ դրական եզրակացություն, ապա երկրաբանական ուսումնասիրության թույլտվություն:

Համաձայն ՀՀ գործող օրենսդրության՝ նախատեսվող աշխատանքները ենթակա են ՇՄԱԳ փորձաքննության, ինչի համար էլ կազմակերպվել և իրականացվում է լսումը: Ամբողջ փորձաքննական գործընթացի համար իրականացվելու են 2 հանրային քննարկումներ.

- առաջինը՝ համայնքի և ավագանու նախնական համաձայնություն տալու դեպքում ընկերությունը կսկսի իր նախագծային աշխատանքները, ապա աշխատանքների ողջ փաթեթը կներկայացվի լիազոր մարմնին՝ երկրաբանական ուսումնասիրությունների թույլտվություն ստանալու համար:
- երկրորդը՝ կիրականացվի նախարարության հետ, որի արդյունքում կտրամադրվի պետական փորձաքննական եզրակացություն:

2.2. Չունաչյանը հավելեց, որ այսօրվա հանրային քննարկումը (առաջին փուլ) նվիրված է հանքավայրի հնարավոր ազդեցությունների նախնական գնահատմանը, մտադրություններին: Նախագիծը իրականացվելուց հետո մանրամասն կներկայացվեն ողջ ծավալային գնահատումները, երկրաբանական ուսումնասիրության ուղղվածությունը, իրականացման եղանակները և այլն:

Համաձայն ներկայացված նախագծի՝ ուսումնասիրությունը տեղի է ունենալու հորատման զուգակցմամբ, իրականացվելու են նմուշարկումներ, երկրաբանական փաստագրման աշխատանքներ, արդյունքում կկազմվի պաշարների գնահատման հաշվետվություն և կներկայացվի լիազոր մարմնին:

Այնուհետև սկսվեց հարցուպատասխան.

1. «Իրավատեր կապանցիներ» բնապահպանական հասարակական կազմակերպության անդամ Ա. Գևորգյանը հետաքրքրվեց, թե որ ընկերության կողմից է իրականացվելու ՇՄԱԳ հետազոտությունը, ինչ գործողություններ է նախատեսում կատարել ընկերությունը փոփոխությունների ենթարկված ռելիեֆների վերականգնման, արոտավայրերի վնասի չափի նվազեցման, անտառածածկ միջավայրի վերականգնման համար:

Ի պատասխան՝ Զ. Զոտնաչյանը նշեց, որ «Լիլիթ Զոտնաչյան ԱԶ» կազմակերպությունն է իրականացնելու ՇՄԱԳ հաշվետվության կազմումը: Ինչ վերաբերում է ռելիեֆներին՝ հանքավայրը ստորգետնյա է, ռելիեֆի ակնկալվող փոփոխություններ չեն լինելու, միայն աննշան փոփոխություն կնկատվի փոքրիկ արտադրական հրապարակում շահագործման դեպքում: Ստորգետնյա

հանքավայրում հորիզոնների միջև շտրեֆների անցկացումը և հորատանցքերի ծավալները չնչին են լինելու:

2.Երկրաբան Ռ.Հովհաննիսյանը մեջբերեց Քաջարանի հանքավայրի օրինակը, չցանկանալով տեսնել նման հետևանքներ նաև Տերտերասարում:

Ս.Համբարձումյանը նշեց, որ իր գործունեության ընթացքում միայն հանքաքար է դուրս բերվել, ինչպես նաև մեջբերեց, որ ժամանակին համընթաց՝ նոր տեխնոլոգիաներ և սարքավորումներ են կիրառվելու՝ դիսկերը նվազեցնելու համար:

3.Համայնքի ղեկավարի առաջին տեղակալ Բ.Զաքարյանը հավելեց, որ մեր երկրում կարևոր է հանքաարդյունաբերությունը՝ տնտեսապես զարգանալու, կայանալու, գինվելու համար: Նշեց, որ ուրախալի փաստ է, որ հանքը շահագործողը ՀՀ քաղաքացի է:

Լիճք բնակավայրի վարչական ղեկավար Հ.Հովհաննիսյանը շնորհակալություն հայտնեց տիկին Համբարձումյանին, մշտապես աջակցելու, նոր միկրոավտոբուս նվիրելու, ցուցաբերված սրտացավության համար:

Ս.Համբարձումյանը հավաստիացրեց, որ պատրաստ է մշտապես լինել բնակիչների կողքին, օգնել՝ թեթևացնելու նրանց հոգսը:

Քննարկման վերջում ներկաների կողմից հնչեցին գովեստի և շնորհակալական խոսքեր, բարձր ծափահարություններ համայնքի արժանի բարերար Ս.Համբարձումյանի պատվին:

Քանի որ այլ հարցեր, առաջարկություններ, դիտողություններ չհնչեցին Ա.Անտոնյանը շնորհակալություն հայտնեց ներկաներին և նիստը համարեց փակված:

Հանրային քննարկման պատասխանատու

Մեղրի համայնքի ղեկավարի տեղակալ՝



Ա.Անտոնյան

Նախաձեռնողի ներկայացուցիչ՝

Ս.Համբարձումյան

Արձանագրող՝

Ն.Մկրտչյան